

التعليق على كتاب الواابل الصيب لأبن القيم المجلس 92 الشيخ محمد خيرى سلسلة قد أفلح من زكاها

محمد خيرى

السلام عليكم ورحمة الله وبركاته والحمد لله رب العالمين له الحمد الحسن والثناء الجميل واشهد ان لا اله الا الله وحده لا شريك له
واشهد ان محمدا عبده ورسوله وبعد - [00:00:00](#)

فاسأل الله سبحانه وتعالى ان يبارك في هذا المجلس ويرزقني واياكم علما نافعا وعملا صالحا واسأل الله سبحانه وتعالى ان يبارك
في رفع اعمالنا في كل يوم وفي كل وقت وحين وفي هذا الوقت بالذات - [00:00:16](#)

فاسأل الله سبحانه وتعالى ان يفتح علينا فتحا يليق بادب مجالسته وان يرضى عنا وعنكم ويرزقني واياكم جنة العرفان مع ذكره
وكتابه سبحانه وتعالى كنا قد توقعنا في كتاب الواابل لابن القيم رحمة الله عليه - [00:00:34](#)

اظن عند الفائدة الثامنة والثلاثون ويقول فيها ان في القلب خلة وفاقة لا يسدها شيء البتة الا ذكر الله سبحانه وتعالى فاذا صار الذكر
شعار القلب بحيث يكون هو الذاكر بطريقه الاصاله واللسان تبع له - [00:01:01](#)

يعني بيقول ان ان الاصل في الذكر الانسان يقول فلان انا زكرته امبارح بالليل سبحانه الله قبل ما نام فبعثت له رسالة على الواتس
طيب يعني ايه كلمة زكرته يعني انت قلت بلسانك فلان - [00:01:24](#)

ولا وقع في عقلك وقلبك تقول انا فلان انا زكرته بالليل امبارح قبل ما اناام يعني ايه؟ يعني وقع في القلب والعقل ثم عبرت عن هذا
الذكر بايه؟ باتصال برسالة صح - [00:01:40](#)

طب يعني ايه بقى زكر ربنا زكر ربنا اي ان الله سبحانه وتعالى اتى على قلبك وعلى بالك انك تقول الحمد لله الذي احيانا يعني يعني
هذا المعنى معنى انك تشكر الله سبحانه وتعالى - [00:01:57](#)

ان وهب لك عمرا جديدا وصحة وعفو وعافية انك محتاج انك تقول له الحمد لله فالمعنى ده لما وقع في قلبك عبرت عنه باللسان
عبرت عنه باللسان. وابتداء يقع الامر في الجنان. اللي هو القلب - [00:02:14](#)

ثم يعبر به الانسان باللسان لان عظمة الحياة في العافية وما اجمل ان يكون المرء سليم البدن تنهض جوارحه بوظائفها دون اعياء
فالمسلم مع ما بينطلق ويستحضر هذا الامر يقول كما قال النبي صلى الله عليه وسلم الحمد لله الذي رد الي روحه وعافاني في
جسدي - [00:02:37](#)

واذن لي بذكره يا سلام العمر ربنا ملكك اياه ده انت محتاج انك تحمد ربنا عليه ينبغي انك تحسن استغلال النعمة ديت. لان دي فرصة
اذا ربنا امتن على الناس - [00:03:07](#)

بالشروق والغروب الله الذي جعل لكم الليل لتسكنوا فيه والنهار مبصرا دي حاجة كبيرة قوي يعني ان الله لذو فضل على الناس ولكن
اكثر الناس لا يشكرون واخذين بالهم خالص - [00:03:25](#)

ان ديت محتاج ان الانسان ياخذ باله منها ده كده احنا محتاجين نقف كتير عند قوله صلى الله عليه وسلم وازن لي بذكره ممكن لا
يأزن لك انك تكون من الزاكرين - [00:03:45](#)

اه ممكن ممكن ان ان لا يأزن لك انك تكون من ممن يشهد المجالس التي تحفها الملائكة ممكن لا يأذن لك انك تكون من اهل الستر
ممكن لا يأذن لك - [00:03:59](#)

ولا يأذن لك ان يجمل اعمالك بالقبول ممكن ممكن ممكن فعشان كده وازن لي بذكره والله انا محتاج اشكر ربنا انا ربنا فتح لي باب ان انا في حد بيزكرني كل مرة كل اسبوع. محتاج ان انا اذكر ربنا او اشكره على النعمة ديت ان في حاجة - [00:04:17](#)

جماعة في ناس مش لاقين حد يذكروها خالص احنا بس سرحانين احنا سرحانين سرحانين بايه ان منا ناس كتير بتصحى من النوم وهو لاقى نفسه في الجروب وفي مجموعات وبينات صالحة - [00:04:45](#)

والاخ فلان والاخ آآ سين وصاد ولام دول واحد بيزكرهم بصيام آآ في شعبان. واحد يذكروهم مصلى في البيت واحد بيزكرهم بالاستعداد والشوق لرمضان. واحد بيقول لهم يا جماعة ايه رأيكم لو نتعاون نعمل كذا واحد - [00:05:06](#)

فهو ليل نهار داخل جروبات تلاقيه في جروب اسمه اخذها بركة وقاعد امال ايه؟ راجع سورة البقرة. وفي نفس الوقت في جروب تاني بيقول له كذا وفي جروب تالت بيقول له كذا - [00:05:27](#)

اللي الجو اللي انت فيه ده في ناس برة خالص بس انت مش عايش معهم انت عامل زي ما يكون انت عايش في كهف ومش واخذ بالك ان في ناس عايشة في حطة تانية خالص - [00:05:39](#)

في ناس مش لاقية اللي انت بتقوله ده هو ببصحي من النوم وينام ما فيش حد خالص بيقول له الكلام من اللي انت بتقوله ده لا في اعلام ولا في تعليم ولا في خطب جمعة ولا في ما فيش - [00:05:54](#)

فانت بس مش واخذ بالك حاسس ايه ان كل العالم كده كل العالم عنده ناس صحبة صالحة وحد آآ بتبعته له الرسالة ويرد عليك وحد بتستشيريه اخت بتساعدك آآ اخ بيساعدك آآ ممكن حد تستفتيه حد تستشيره في امورك الخاصة في امور الاسرة امور البيت امور حتى المذاكرة - [00:06:07](#)

يعني في كل حياتك تلاقي حد في ناس تانية يا جماعة مش لاقية حد لناس مش عايشة اللي انت بتعيشه ده انتم انتم بتصلوا الفجر كده تقعدوا مع بعض؟ اه يعني - [00:06:32](#)

وانتم وده لقاء مرة في السنة يعني في ناس كانت بتحضر معنا في رمضان فبعد ما رمضان بينتهي ياه هتوحشونا وهنشوفكم تاني في رمضان وبتاع ففي حد بيقول له وليه هنوحشك وبتاع؟ طيب ما انت ليه نستنى لرمضان؟ ما احنا عندنا - [00:06:46](#)

كل يوم او يوم ويوم المهم يعني كحد ادنى اسبوعيا في لقاء ياه على الفرحة انك تشوفه في عينه وهو عرف ان اسبوعيا ان الناس دي بتتقابل نتقابل بقى اولناين المقابلة الافتراضية او مقابلة على الارض وفي الواقع - [00:07:05](#)

فهو مش قادر يصدق. ايه ده يعني احنا ممكن نظل مع بعض ومجتمعين طول السنة فيقول له اه قال له انا مش مصدق. قال له مش مصدق ايه اه والله. عارفين مين بقى اللي عارف النعمة دي - [00:07:24](#)

اللي اتاخذت منه ما كان في ناس كده يا جماعة في ناس كانت آآ عادي جدا عنده تحفيز قرآني يلاقيه تطوع يلاقي وايه بقى؟ ويلاقي لا الكمان والشباب يتحايلوا عليه يوم الاربع في زيارة مقابر - [00:07:41](#)

اللي عاوز يبجي يا جماعة في يوم الخميس آآ يوم التصفية بنجمع ملابس وبنزل على الفقراء بيوم مش عارف ايه كذا بنعمل كذا اللي عاوز يشارك في المعلم فلان والمعلم فلان دول فجر يوم الاثنين والخميس بيسمعوا قرآن اللي عاوز يحفز من ايه؟ من بعد الصلاة للشروق - [00:07:58](#)

وفي واحد يوم الجمعة بين المغرب والعشاء اه في لقاء للاخ فلان بيدي درس عن اه التوحيد وواحد بيدي عن اه سيرة النبي يوم كذا وفيه وفيه وفيه وفيه وفيه وفيه. فيه ناس كانت عايشة العيشة ديت - [00:08:17](#)

ومرة واحدة صحيت من النوم يعني لم يقدر هذه النعمة حق قدرها هي موجودة هي مش هقول صرفت منه هي موجودة بس تبقى موجودة في الشارع اللي وراه بس هو مكسل - [00:08:32](#)

يروح الشارع اللي وراه فسبحان الله عشان كده كتير من الناس يقول لي انا تائه وحاسس ان انا في الجروبات كتير وتايه على قد ان سؤال صحي بس على قد السؤال ده جميل - [00:08:48](#)

كويس انك تكون غرقان في الجروبات دي كلها حتى لو فيه واحد بس انت مهتم به والباقي مش مهتم به ما فيش مشكلة في المجمل

اهم حاجة ما يشتتكش لكنك تتحاصر باعمال طاعة دي مهمة جدا يا جماعة. وده على فكرة فلسفة اهل الدنيا - [00:09:04](#)

تمشي على طريق تركب الدائري كده مسلا هتلاقي الاعلانات ناقصة تتحط على العربية بتاعتك وانت ماشي كل بين اعلان وعلان عشر اعلانات بيحاصرك ليه؟ عشان ما يخلكش يعني تسرح سرحة - [00:09:22](#)

الا في اللمعة حاططه لك قدام عينك عشان يبقى الشعار بتاعه مش هتقدر تغمض عينك المعنى ده مهم برضو انك تظل كده ايه متحاصر لكن آآ انك تكون داخل الجروبات قاعدة تزكرك بالدار الاخرة. وجروبات قاعدة تزكرك - [00:09:39](#)

يعني حاجات تانية وحشة اه ما تحاصرش نفسك الا باهل الخير فالمعنى ده والله يا جماعة مهم انك وازن لي بذكره صلى الله عليه وسلم انك تستحضر ان الله سبحانه اذن لك انك تعطي كلمة في المسجد - [00:09:59](#)

اذن لك انك آآ ان في ناس عندها استعداد تسمع منك اذن لك انك تيجي بعد الفجر آآ انك اصلا بتصلي الفجر وازن لك انك بعد ما بتقرأ الفجر تقول زكرين وتقول اي حاجة كده بسيطة. وازا لك انك تقرأ وردك. وازن لك انك تشارك وازن لك وازن لك - [00:10:18](#)

كده دايمًا تقول له يا رب ائذن لي يا رب افتح لي يا رب ائذن لي اذن خاص وفتح خاص النبي اول ما بيصحى من النوم ويعني وظلمة الليل لا تزال مخيمة على كل شيء - [00:10:41](#)

لكن انوار انوار الصبح خرجت منه وانارت قلبه فقال الحمد لله فليه لان نور قلبه شغال صلى الله عليه وسلم فاحنا محتاجين ان احنا نؤكد على المعاني ديت فاسأل الله سبحانه وتعالى ان يفهمنا - [00:11:00](#)

ويعني ماشي وذوقنا هذا هذه الحلاوة فيقول ابن القيم ان في القلب خل وفاقه قل وثق يعني في فقر في القلب في عارفين كده التوب عما بيتخرم الهدوم اللبس كده اما ايه يبقى فيه كده ثقب - [00:11:23](#)

فلازم السقب ده والقطع ده ان احنا محتاجينه ايه يتحط له ايه يتحط عليه آآ قطعة من القماش صح هذه القطعة اللي من القماش دي لازم تكون جيدة ولازم تكون من نفس الجنس - [00:11:45](#)

فالفاقة اللي موجودة في القلب ديت والفقر اللي موجود والقطع ده والخلة ديت محتاجة ايه؟ محتاجة اذا صح التعبير خلة محتاج آآ صحبة كده تساعدك. صحبة معنوية وحسية ما بين جسدية صحبة بشر وما بين صحبة معاني - [00:12:08](#)

فهذا القلب لا يسد خلته الا خلته الا الصحبة الصالحة والا المعاني والاشياء التي تقع في القلب من ايه؟ من الصلاح محنة البشري ما كان بيقول الغزالي رحمة الله عليه انهم مكلفون بالارتقاء الى الملأ الاعلى على حين انهم خلقوا من حمأ مسموم - [00:12:33](#)

بيقول المحنة الحقيقية للبشر ان هم مكلفون انك ترتقي الى الملأ الاعلى على حين انهم خلقوا من حمأ مسنون. فنسأل الله ان ينفعنا ويسدنا بيقول ان في القلب خلة وفاقه لا يسدها شيء البتة الى ذكر الله سبحانه وتعالى - [00:12:58](#)

دايمًا بقى تحط قوس كده وتشوف ايه الرفة بقى اللي هتحتها ممكن تحط اه صحبة صالحة ممكن تحط معاني تحط ارتباط بالله سبحانه وتعالى قرآن اه صدقات نفقات ما خلاص ما هو السقب ده لن يسد - [00:13:20](#)

الا بهذا. فاذا صار الذكر شعار القلب بحيس يكون هو الذاكر بطريق الاصاله واللسان تبع له تبع له. طبعا ليه انا بركز على ان انا كل شوية او اضغط في مفهوم الذكر واوسع فيه. لان الذكر ليس مجرد انك تقول بلسانك سبحان الله سبحان الله سبحان الله سبحان - [00:13:40](#)

لأ ذكر الله اعمق من ذلك بكسير اعمق من ذلك بكسير فيقول فهذا هو الذكر الذي يسد الايه؟ الخلة. ويعني الفاقة. فيكون صاحبه غنيا بلا مال. عزيزا بلا عشيرة. مهيبا بلا سلطان - [00:14:00](#)

فان كان غافلا عن ذكر الله فهو بصد ذلك. فقير مع كثرة جدته. ذليل مع سلطان حقير مع كثرة عشيرته يقول الفائدة اللي بعد كده ان الذكر يجمع المتفرق ويفرق المستمع ويقرب البعيد ويبعد القريب - [00:14:17](#)

هندخل بقى كده ايه؟ تهنا صح؟ بالكلام ده لا هو مش هيتوهك ان شاء الله. ابن القيم ده سبحان الله كلامه قيم كلامه قيم جدا اشوف بيقول ايه بقى بل فيجمع - [00:14:39](#)

ما تفرق على العبد من قلبه وارادته وهمومه وعزومه والعذاب كل العذاب في تفرقا. تفرقاتها وتشتتها عليه والواحد سبحان الله يكون

في غاية الهم لغاية البعد والهموم عالية جدا عنده والكروب - [00:14:54](#)

لكن سبحان الله مجرد ما يذكر الله سبحانه وتعالى يذكر الله يعني ايه؟ يصطحب الرحمات لله سبحانه وتعالى زي واحد يكون حاسس ان هو ابتلي بلاء لا يعدله شئ فربنا سبحانه وتعالى يطلعه على بلاء ينسيه بلاءه - [00:15:19](#)

يعني مسلا واحد يكتشف ان عنده مسلا مرض ما ربنا يعافينا او بنته ما نجحتش او او فييجي ايه اللي يحصل؟ يغنوا بقى بينه وبين نفسه وقلقان ومتضايق وهموم والله بها عليم وتحاصره الكروب وحاسس ان هو - [00:15:42](#)

قاعد يستنزف وفكره وقاعد يتشتت ويا ترى ايه اللي هيحصل وهو مش عارف ايه وكده وهو في الوقت ده كده بيفتح الفيس لقي خبر ادعوا لي يا جماعة انا عندي واحد اتنين ثلاثة - [00:16:03](#)

الدكاترة اكتشفوا ان انا عندي كزا وكزا ولازم يتم الاستئصال وللأسف الشديد انا عندي كزا فمش هينفع الاستئصال بسهولة فالدكتور بيقول ان في عملية ونسبة النجاح كزا وللأسف كمان ان العملية دبت غالبية جدا ومش معي فلوسها - [00:16:17](#)

فتروح قافلة الصفحة وتروح سجدة لله شكر وتقول له اشكرك واحمدك على الطافك ياه ده احنا قاعدين احنا متنغنين انا متنغنة سبحان الله احيانا يبسر الله لك وانت في طريقك - [00:16:32](#)

يعني انسان يعني كانه كان مسحة اللطف على قلبك وتكون في غاية الهم ومتضايق جدا جدا وبعدين وانت يا داخل المسجد الحرام عشان تدعو الله سبحانه وتعالى اذا وانت داخل تلاقي في وشك - [00:16:54](#)

حد زي ماهر المعاطي مسلا ويبص لك وبيتسم ويروح هو اللي مسلم عليك يقول لك انا سبحان الله لما شفتك حبيتك في الله او ويبص لك كده ويقول لك ايه؟ ما لك كده متضايق؟ اضحك كده وابتسم. ان شاء الله هتقضى ولا هو انت عارف - [00:17:17](#)

هو قال لك ليه كده ولا هو شفي عليك؟ سبحان الله فالجو ده لوحده ينسيك شفتهم الهموم بتاعة جابر رضي الله عنه وهو راكب الجمل وماشي ومهموم بالزوجة الجديدة العروسة الجديدة واخواته تسع بنات - [00:17:38](#)

والجمل اللي مش عاوز يمشي ويتحرك ويجي مرة واحدة جابر الهموم من المخلوقين صلى الله عليه وسلم يجي عليه كده ويجبر همه ويجبر قلبه. وبعدين يبدأ يقول له ايه يا جابر ما لك يا جابر؟ والله جميل شعور ما لك يا جابر ده - [00:17:53](#)

ما لك يا محمد؟ ما لك يا ام معاذ؟ ما لك يا كزا؟ شعور جميل انك تلاقي حد يقول لك مالك؟ في ايه ومش بيقول لك ما لك من باب الدخول في الخصوصية. لان في بعض الناس عندها هسهسة - [00:18:11](#)

يقول لك هو ليه بيسألني السؤال ده وفي ناس فعلا بيبقى ده التطفل لكن في ناس فعلا عندها الرقي ان هو بيسألك فعلا لينتشيلك من همك في ناس بتكون بتفكر بالالية ديت - [00:18:26](#)

الناس ديت سبحان الله بيكونوا مسحة من مساحات الياه؟ الجبر قدرها الله سبحانه وتعالى عليك وهذا من القدر الجميل انك تلاقي حد في حياتك يسبتك. انك تلاقي حد في حياتك - [00:18:40](#)

يعني يكون هو لطف الله متجسدا في شخص ان يكون هو جبر الله متجسد في شئ محسوس. هؤلاء لو ظللت طول عمرك ساجدا تشكر ربك على انه سبب لك هذه الاسباب ما ايه - [00:18:57](#)

يعني حققت شيئا من شكر نعمته عليك في ناس استعملهم الله سبحانه وتعالى لهذا الباب انهم مسبتون لغيرهم وهؤلاء بالمناسبة لا يقفوا ابدًا ولا يموتوا الا وهم واقفون واقفون يعني الوقف المعنوي - [00:19:20](#)

الناس دي بتموت زي ما اهل الاحسان كده يقول لك المحسن لا يقع. وان وقع وجد متكئا. وجد عصاية يسند عليها. المحسن ما ينفعش يقع ليه؟ لان هل جزاء الاحسان الا الاحسان - [00:19:45](#)

هو انت فاكر انك هتحسن يا جماعة يا جماعة اللي بيشتغل في مؤسسة محترمة ومؤسسة فيها جودة بيحاسبك على الدوام الاضافي بيحاسبك على التاتشات الجديدة بتاعتك بيحاسبك على الجودة ويحاسبك على شغلك النظيف اللي هو اسمه الاحسان يعني -

[00:20:00](#)

بقي رب العالمين لا يحاسبك على احسانك مش هيحاسبك على دقيقة مش هيحاسبك على جهد من وقت ومال وتفكير وتحضير

واجهاء لا لا ده انت مجرد ما يقع في قلبك المعنى ده تبقى انت بتتهزر - [00:20:23](#)

انت بتتهزر سبحان الله! انت ممكن تبقى بتحسن في عملية عادية جدا في عملية اصلاح ذات باين وتتصل بواحد واتنين تقول له انا رايح النهاردة في مشكلة كده اسرية وهم مختلفين على كذا فقلت استأنس بكلام حضرتك انت ايه رأيك في كذا وكذا وكذا وكذا هو انت يجي لك شعور كده بينك وبين نفسك انا قاعد اما اضيع وقتي واضيع همي - [00:20:43](#)

وفلوس واتصل اما ارواح اعديههم كده على طول مباشرة وتفاجئ انك بتقول لأ من باب ان انا يعني ربنا يعني وان انا اوفق في الكلام يعني. وبرضو اكون بزلت ما علي ولا علي - [00:21:06](#)

فيا سبحان الله في ناس وهي بتعمل كده تتذكر ان الله سبحانه وتعالى لن يردني يا جماعة ربنا وعد ان المحسن مش هيضيع يا جماعة ده وعد من ربنا فانت متخيل انك ممكن تبقى محسن وتضيع - [00:21:24](#)

لا ده ده سوء زن بالله سبحانه وتعالى. مش هتضيع اجر ك مش ضايع وده يا جماعة اللي اتكأ عليه يوسف يوسف كان اللي ببشجعه ايه ومدى له الطمأنينة العالية ايه - [00:21:41](#)

هو المعنى دوت ان سيدنا يوسف واضح جدا وعارف قوي ان حياته لأ هتكمل صح وحياته هتكون جميلة ليه لان قال لهم قد من الله علينا انه ده القانون بقى اللي خلى يوسف يعني - [00:21:57](#)

يسير على بساط الشوق قال انه من يتق ويصبر فان الله لا يضيع اجر الصابرين اجر المتقين. صح قال لهم اجر المحسنين فربنا مش هيضيع اجر ك لو انت محسن محسن في - [00:22:15](#)

علاقتك مع الله مع الخالق واي انسان احسن في مع خالقه فيكون هذا الاحسان ان كان احسانا حقيقي له مردود على المخلوق ولزلك اي واحد ظاهرا محسن في علاقته مع الله مسيء - [00:22:37](#)

لعلاقته مع المخلوقين ففي احسانه مع الله دخن يعني فيه مشكلة يعني واحدة تلاقيها محفظة قرآن او معلمة علم شرعي ويعني سبحان الله تنفر منها النفوس نفرة. اعرف ان في مشكلة حقيقة - [00:22:58](#)

في احسانها مع الله ودي لازم تراجع نيتها ولازم تراجع اعمالها مع الله. لازم. والا نخشى عليها. ليه قال النبي صلى الله عليه وسلم لما سئل على امرأة بتصلي وتصوم وتسيء الى جيرانها. فماذا قال النبي صلى الله عليه وسلم - [00:23:14](#)

النبي صلى الله عليه وسلم قال ايه على المرأة ديت اللي هي يعني قاعدة امال تصوم وتصلي لكن تسيء تسيء الى الاله الى جيرانها النبي صلى الله عليه وسلم قال ايه بقى؟ هي في النار. ياه - [00:23:35](#)

طب يا رسول الله يعني الناس دي الست ديت ما ما صلت وصامت وعملت شغل يعني بعد في رواية وذكر لهم من كسرة صلاتهم وصدقته وقيامها شغتم الكلام يعني ذكروا للنبي صلى الله عليه وسلم كسرة صلاتها - [00:23:50](#)

وكسرة صداقتها وكسرة الصيام غير انها امسك قلبك بقى بعد كلمة غير انها دي بتعمل ايه؟ تؤذي جيرانها بلسانها لسانها يعني حبتين طويل قال هي في النار لا حول ولا قوة الا بالله. امال بقى يا جماعة لو كانت بتأزي طلبة العلم - [00:24:13](#)

واعداد تجيب سيرة فلان وعلان ومش عارف ايه والكلام ده وباكتب فيه مقال دلوقتي. خلاص الحمد لله وصلت فيه سبع صفحات. اخلصه بس كده اجيبه كتيب كده واصدره هتك الاعراض لاخوة الرياض - [00:24:38](#)

مسلا حاجة زي كده يعني وقاعدين يتفننوا في حاجات آآ وسبحان الله اللي بتأزي والدتها اللي بتأزي والدها غير انها تؤذي جيرانه بلسانه. قال هي في النار قالوا يا رسول الله - [00:24:53](#)

فان فلانة وذكر واحدة تانية بقى من قلة صيامها. يعني اخت يعني اتنين وخميس يوم في شعبان دي ده بالعافية بتجيبها وصلاتها وبرضو في الصلاة بالعافية بتصلي الفروض يعني والنوافل ديت يا دوب حاجات خفيفة خالص - [00:25:12](#)

وانها تصدق بالاسوار من الاقض يعني حتى الصدقة بتاعتها حاجة خفيفة خالص ولا تؤذي بلسانها جيرانا لكن هي ما شاء الله يا رسول الله الاخت ديت ما بتجيش خالص ناحية الاله؟ الايذاء - [00:25:29](#)

في رواية فلانة الاولى دي قالوا عنها انها كانت تقوم الليل تتنفل في الليل سبحان الله! وتنفعل وتنفعل وتنفعل الثانية ديت بتقتصر على

الفريضة عكس الاولى خالص وبتتصدقي باثوار يعني قطع من اللبن المجفف يعني - [00:25:46](#)

وما بتأريش حد ببركة احسانها للجيران ايه اللي حصل انطلقت الى الجنان. سبحان الله! لذلک التحذير من الوقوع فيما يأكل الطاعات ايه اللي بيأكل الطاعات بقى الايذاء للمخلوق وعدم الاحسان له - [00:26:06](#)

كده موضوع الاحسان ده ضروري يقول والحياة كل الحياة. عشان كده يا جماعة لا تركنوا الى اعمالكم شوفي نفسك كده وما شاء الله عليك منتقبة ولسه خاتمة ومعني اجازتين واحدة اجازة في في الشمال. وواحدة اجازة في ايه؟ في ورش لسه وخداها - [00:26:29](#)

وعاملة وعاملة وكل ده الله اكبر جميل ورائع وضروري ان احنا نكمل فيه ونشكر الله سبحانه وتعالى. بس اوعي تكوني شايقة ان انت كده ايه عديتي والناس كلها واقفة مش عارفة تعدي - [00:26:55](#)

وحاسة انك لما خدتي الاجازة وارتيقتي الحاجات ديت وخلصتي دورتين في علم التوحيد وخلصتي مش عارف صناعة المحاور ومحاور الصناعة ومش عارف تاجر كرامة وكرامة التاج وخلصت كل البرامج اللي نفسك فيها - [00:27:10](#)

اوعي تكوني فاكراة ان الحاجات دي كده ان كده خدتي صك بالامان انك من جوة انت في الجنة فخطر الشعور الامن ده. ان انا في الجنة خلاص. لان الشعور في الجنة ده - [00:27:26](#)

بيعمل لك مشكلتين. المشكلة الاولانية الكبر الخفي. وانت مش واخذ بالك انك ايه شايق بقى ان الناس كلها الناس كلها مساكين. احنا وصلنا انتم فين؟ احنا وصلنا خلاص بقينا في احنا بقينا في الساحل. انتم لسة لسة ما طلعتوش! ياه! احنا خلاص وصلنا - [00:27:39](#)

يا جماعة نحن في الجنة نتقلب في نعيمه الا لحقتم بنا ده شعور بيكون خفي موجود والحاجة الثانية الامان الامان في العمل بقى قمت الليل امبارح؟ لا والله انا بدي دروس بس. انا بتكلم في قيام الليل بس - [00:27:56](#)

ليه؟ ما اصل انا ما انت عارف بقى حضرتك احنا وصلنا. انا بدي الدرس بتاع قيام الليل ده. وانا اصلا في الفردوس الاعلى فبقول للناس اللي في الدنيا تحت اللي لسة ما ما طلعتوش لنا. يلا يا جماعة قيموا الليل اهدو لنا - [00:28:16](#)

فمعك كارنيه اسمه كارنيه ناجي عارفينه؟ كارنيه ناجي ده كأنه بيطلع كده في نقابة بتطلع كارنيه اسمه كارنيه ناجي. ناجي من النار في ناس عابضة في الوهم ده معها الكارنيه ده - [00:28:32](#)

فعايشة في الارض بتبص على الخلق ان هم معهم هي معها الكارنيه وكل البشر مش معهم الكارنيه فبتدي دروس من الباب دوت تتكلم بقى في كل حاجة من من الطريقة ديت - [00:28:44](#)

فتيجي وردها قليل حتى هي ما بتحضرش دروس خلاص دروس ايه انا بقول لحضرتك انا بقيت بشرح الوسطية فبيت بدي دروس حضرتك انا لي تعليقات على الترمزي ارواح انا احضر درس بيزكرني يعني بموعزة كده خفيفة. انا ما احبش الوعظ بقى والكلام اللي هو العام ده. العام ده للعوام اللي هم من العمى. سموا عوام عشان هم ايه - [00:28:58](#)

جهال عندهم غفلة لكن آآ ام كزا مش عاوز اقول ايام حاجة لا تطلع في حد اسمها كده يعني دي خلاص انا معي كارنيه ناجية ده انا اصلا بتطلع الكارنيهات. انا عندي مكنة بتطلع الكارنيهات. يعني ممكن اطلع كارنيه ان دي ناجية ودي مش ناجية - [00:29:22](#)

طبعا كل الكلام ده باللسان اللي ايه؟ الحال كده فيبيان بقى يا جماعة ببيان في المردود. يعني في واحدة بتسألني مرة سؤال كده فانا قلتها مباشرة كده حضرتك بتحتاري لمين دروس؟ قالت والله انا مش فاضية - [00:29:41](#)

انت حضرتك مش فاضية تحضري دروس لحد؟ قالت لي لا ده لو بتدي سبع دروس في الاسبوع قالت لي اه ما شاء الله عليك. سبع دروس لقاءات انت بتدي ومش فاضية - [00:30:00](#)

تاخدي قالت لي انا الحمد لله بسمع بعض الدروس اللي بتساعدني في العطاء اه يعني انت عندك مسلا اه شرح سورة الحجرات ارواح اسمع ايه؟ ثلاثة اربعة بيتكلموا في الجديدة. هو ده اسمه فكرة ان حضرتك بتحضري الدرس - [00:30:15](#)

انت على خطر كبير وان زين لك من حولك اللي انت على خير وارجو ان اكون انا المخطى. اتمنى اكون انا المخطى بس اخشى ان احنا نفهم الكلام ده واحنا داخلين في قبرنا - [00:30:30](#)

ربنا يسترنا واياكم فالحياة كل الحياة والنعيم في اجتماع القلب والهيم والعزم والارادة. طبعا ما حدش يفهم من كلامي اللي انا بقول لا

تعطوا ولا آآ لا انا ما قلتش كده خالص - [00:30:48](#)

بقوا يشتغلوا وودوا بالعكس انتم على خير كبير انكم يكون لكم دور لكن هذا الدور دور العطاء يا جماعة ما يزدش ما يزدش العطاء

اللي هو خاصة العطاء اللي فيه نفس الشهرة - [00:31:02](#)

انا عاملة جروب وعاملة كزا وعندى خمس ست تمن تستعاشر ستميت الف واحدة فيه وكلهم بصوا يا جماعة اي عطاء في بروباجاندا

مفترض ما يزدش عن خمسة وعشرين في المية من عطاءاتك - [00:31:16](#)

دي كده قاعدة كده تزكوية يعني حاجة كده من باب الضبط العطاء اللي فيه البروباجاندا خليه يقل بقى كاميرات ولايكات وبتاع وفعلا

مبسوطين جدا بحضرتك وحضرتك والكلام ده خليه ما يزدش عن خمسة وعشرين في المية - [00:31:32](#)

طيب وباقي العطاءات خليك موجود بس خفي. ما تحطش الكاميرا عليك. لان الاخلاص صعب يبجي بلاش كلمة صعب بيكون في

تحديات والكاميرا مفتوحة الاخلاص بيكون فيه تحديات والكاميرا مفتوحة فحاول يعني تخليك عادي كده انسان عادي يعني -

[00:31:51](#)

العزاب كل العزاب في تفرقها وتشتتها عشان انا متشتتت اوازن يعني لازم يكون في توازن بقى. طب التوازن ده ايه والله مهما كنت

شيخ لازم يبقى لك شيخ مهما كنت شيخة بتقرأى على مين - [00:32:14](#)

ويا جماعة في قراءة للقراءات وفي قراءة لمراجعة الورد عادي انت حضرتك لازم تراجعى على حد يعني. لا اصل انا مش لاقية حد

يملى العين ينفع انا يعني احلي اذنه ان يسمع صوتي - [00:32:32](#)

مش لاقى حد كده يعني ان انا امتع ودنه انه يسمع صوتي لما تيجي على نفسك وتلاقي ان شاء الله هتلاقي معلىش هتلاقي تعالي على

نفسك كده وخلي حد ايه - [00:32:49](#)

يقولوا ان الزكر ده يفرق ما اجتمع عليه من الهموم والغموم والاحزان والحسرات على فوت حظوظه ومطالبه. ويفرق ايضا ما اجتمع

عليهم من ذنوبه وخطاياهم واوزانه حتى تتساقط عنه وتتلاشى وتضمحل - [00:33:01](#)

ويفرق ايضا ما اجتمع على حربه من جند الشيطان. فان ابليس لا يزال يبعث له سرية بعد سرية. شف ابن القيم ده ابن هبيدا يا

جماعة تخصصه طبيب قلب بيقول ايه - [00:33:21](#)

نقول فان ابليس لا يزال يبعث له سرية بعد سرية ابليس يا جماعة كل شوية يبعث لك ايه مجموعة كده ومش يبعث لك واحد

يبعث لك جيش سرية بعد سرية - [00:33:36](#)

وكان زمان من عشر سنين كده كان يبعث لك السارية ديت في صورة ايه؟ في صورة طلعة شاب ياخذك مشوار مش عارف ايه تسمع

اه منازرة على تسمع واحد قاعد يتقيا في الاعلام - [00:33:51](#)

ويقول يعني ويرمي القمامة بتاعته لعلي يجد عقلك مكان يقبل القمامة ديت النهاردة بقى زي مواقع التواصل قربت الخير برضه هي

حصلت بالشر فبدأ يبعث ليبقى قاعد كده في امان الله تلاقي فيه رابط جاي لك - [00:34:09](#)

يقول لك هاي بنا نفسق ساعة مش نؤمن ساعة بقى. ايه رأيك يلا يبعث لك رابط كده لماذا النبي فعل كذا شبهة تعمل ايه؟ النبي صلى

الله عليه وسلم يقول لك ويحك انك ان تفتحه تلج - [00:34:35](#)

ما تفتحوش يا عم حد من الافاضل كده كل شوية يبعث لي رابط عن حد شيعي ويقول مشكلة كده شبهة يقول لي ايه الرد على ده

اول مرة وتاني مرة كنت ارد. تالت مرة قلت له ايه؟ هو حضرتك بتجيب الكلام ده منين - [00:34:52](#)

الاصل انا في جروب كده في بعض الشيعة كل شوية يبعث الحاجات ديت فانا اقول له هو انت سايب نفسك ليه القصة ديت؟ اه

والله بقى يعني آآ فر اخرج منه - [00:35:09](#)

بدل ما انت تخرج منا نسأل الله السلامة ابن القيم بيقول لك ان ابليس لا يزال يبعث له سرية بعد سرية. يا جماعة لازم تحترم لحظات

ضعفك انت مش التنين المجنح انت مش ليفل الوحش. ولو كنت ليفل الوحش لازم تحترم لحظات ضعفك. لان الوحش برضه في وقت

هو بيضعف - [00:35:25](#)

لازم انت عارف تبقى في ضعف في حاجات كثير فيها ضعف فاما تلاقي في حاجات كده معينة وشبهات وبتاع بيقلوا النهاردة ان فيه منازرة هل الاسلام اه هل اه مش عارف الحاجة نوال دي حجة - [00:35:49](#)

ولا كثرة هل مش عارف ايه وهل ايه وهل ايه وتدنك انت بقى تروح تشوف يمكن الواحد يلاقي يمكن يلاقيها فعلا حجت ويمكن هي تطلع ويمكن ويطلع سبحان الله - [00:36:10](#)

هو لسه في الحاجات دي فيه شك يا جماعة؟ هو لسه انت شاكك ان الشمس بتطلع من من الشروق نسأل الله العفو والعافية ربنا يفهمنا ويعلمنا. فيجي يدخل المناظرات دي ايه اللي يحصل له بقى - [00:36:27](#)

ايه اللي ممكن يحصل له يقع على طول يطلع من الكلام ده يقول لك ايه تصدق ده طلعت اخت لا طلعت كذا فهو ممكن يوصلك ان دي اشرف زي ما البعض بيتكلم النهاردة على هؤلاء المجرمين المرتدين والعياذ بالله. اللي اتكلم عنهم - [00:36:42](#)

هم كأن دول حجاج وان دول اطهار وان دول الدعاة وان دول الصالحين وان دول كذا. فيطلع يقول لك ايه انا فعلا صدقت ان هي حجة وان هي داعية وان هي منفقة والكلام دا - [00:37:02](#)

زي ما فيه ناس يا جماعة فيه ناس كتبت رواية تدافع عن ابليس ان ابليس اتزلم في حد بيقول ان معلمتها قالت لها لازم تتفرجي عشان تعرفي تردي ربنا يرزقك من يبصرك - [00:37:12](#)

لا من يورطك فان ابليس لا يزال يبعث له سرية بعد سرية وكلما كان اقوى طلبا لله واشد تعلقا به وارادة له كانت السرية اكدت واكثر واعظم شوكة بحسب ما عند العبد من مواد الخير والارادة - [00:37:32](#)

ولا سبيل الى تفريق هذا الجمع الا بدوام الذكر. يعني خلاصة الكلام ده ايه؟ ان القلب متشتت وان الدنيا فيها متاهات والكلام ده كله فانت خلي بالك من ان الزكر يجمع لك التشتت ده. فيه حد بيقول ان عقده محاكمة لابليس واعطوه براءة في الغرب. لأ وعندنا في الشرق يعني - [00:37:52](#)

في واحد مشهور جدا اعمى الله بصيرته وبصره عمل رواية فيها الكلام ده واما تقريبه للبعيد فانه يقرب اليه الاخرة التي يبعدها منه الشيطان والامل قاعد ان يقول لك ايه؟ ان الزكر يقرب البعيد. ايه هو البعيد؟ الاخرة بعيدة صح - [00:38:14](#)

كزمن بالنسبة لك دلوقتي هو يقربها لك يخليها حاضرة دائما. فلا يزال يلهج بالذكر حتى كأنه قد دخلها وحضرها فحينئذ تصغر في عينه الدنيا وتعظم في قلبه الاخرة النجوم بتكون موجودة يا جماعة النجوم دلوقتي موجودة في اماكنها اللي كنا كنا شايفينها من ثلاث ساعات. النجوم لسة موجودة ولا مشيت - [00:38:34](#)

يعني النجوم يا جماعة موجودة في السما هي كانت من ثلاث ساعات موجودة. هي لسة موجودة ولا مشيت خلاص؟ موجودة جميل جدا طب ايه اللي مش مخلينا نشوفها دلوقتي طب ما احنا كنا من ثلاث اربع ساعات شايفينها ايه اللي مش مخلينا شايفينها دلوقتي - [00:39:02](#)

ها الشمس جميل شمس اذا طلع شمس الزكر في قلبك انطفاً واختفى نور النجوم كلها ضوء الشمس يا جماعة اما بيزهر كل حاجة بتطفيها فانت سبحان الله ميزة الزكر ده بيبقى عامل زي الشمس. يروح منور كله يطفي - [00:39:24](#)

هي موجودة بس مطفية موجود التعلق المحرم بالذنب اياه موجود. زي النجم ما هو موجود وموجود الذنوب اللي اياها وكله موجود. والامور الارضية والطموحات والامل الدنيوي كل القصص دي موجودة زي النجوم - [00:39:47](#)

لكن انت شمس الاستقامة شمس الايه؟ الهم. ايه اللي حصل خلاص الدنيا اختفت بس هي موجودة. طب ليه انا بقول ان هي موجودة؟ عشان تبقى واخذ بالك لو الشمس دي ضعفت - [00:40:07](#)

هتطلع لك تاني الوحوش يقول لك انا سايب الزنب ده سبحان الله من عشر سنين مش عارف ليه طالع لي مرة واحدة كده فتقول له ايه تقول له اصل انت سبحان الله ده كان الزنب مشي - [00:40:21](#)

واقول له لأ الذنب ما يمشي هو انت تبت اه بس هو موجود مرمي فلو ضعفت هترجع وبضرب مسل دائما بالطيارة انت النهاردة بتقلع من مطار القاهرة. حوالين القاهرة كده الابراج بتاعتها والعمائر دي - [00:40:33](#)

ويوقظه من سنته يعني تلاقي ان في قلب نايم فايه اللي بيوقزه ويوقظه من سنته والقلب اذا كان نائما فاتته الارباح والمتاجر يا ابني كنت فين امبارح الساعة واحدة بالليل - [00:45:25](#)

والله كت رايح علينا والله يهديك شفت الراجل اللي كان ببييع الذهب ده الساعة واحدة بالليل هو كان فيه حد ببييع ذهب؟ اه يا عم كان فيه واحد كده ماشي بذهب وببييع الذهب ما فيش يعني بيقول لك الكيلو ذهب كان ببيعه بعشرة - [00:45:40](#)

جنيه وبتهزر اه الله المستعان بقى ما انت كنت نايم فاتك الارباح ووقت السحر الله سبحانه وتعالى يتنزل نزول يليق بجلاله سبحانه وتعالى. ويقول هل من تائب فاتك؟ فاتك الارباح - [00:45:54](#)

وكان الغالب عليه الخسران فاذا استيقز وعلم ما فاته في نومته شد المئزر واحيا بقية عمره واستدرك ما فاته ولا تحصل يقظته الا بالذکر فان الغفلة نوم ثقيل نوم ثقيل - [00:46:09](#)

تحس ابن القيم كان عاوز يعني ايه يغلط في الحتة دي كده واياه ويشد على الناس فيها رحمة الله عليه ونسأل الله ان يعلمنا ويفهمنا اسأل الله ان يرزقني واياكم حسن العمل وحسن الخلق وحسن الختام - [00:46:26](#)